



世家卷第十四

高麗史十四

正憲大夫曹判書集賢殿大提學知經筵春秋館事兼成均司成臣鄭麟奉教脩



肅宗三

乙未十年春正月壬申朔放朝賀 癸酉宴遼橫宣使于

乾德殿 乙亥宴落起復^使于乾德殿 丙子遼遣觀

察使高慶順來賀生辰 戊寅宴遼生辰使于乾德

殿 戊子冊弟僭檢校太保守太尉 己丑遣尚書

李壽侍郎黃君裳如遼謝橫宣 庚寅冊弟僭檢校

太保守太尉 是月生女真完顏阿骨打稱皇帝更

名旻國號金其俗如匈奴諸部落無城郭分居山野

無文字以言語結繩為約束土饒猪羊牛馬、多駿
或有一日千里者其人驚勇為兒能引弓射鳥鼠及
壯無不控弦走馬習戰為勁兵部各相雄長莫能統
一其地西直契丹南直吾境故嘗事契丹及吾朝每
來朝以麋金貂皮良馬為贄吾朝亦厚遺銀幣歲常
如此或曰昔吾平州僧今後遁入女真居阿之古村
是謂金之先或曰平州僧金幸之子克守初入女真
阿之古村娶女真女生子曰古乙太師古乙生活羅
太師活羅多子長曰劾里鉢季曰盈歌盈歌最雄傑
得衆心盈歌死劾里鉢長子烏雅東嗣位烏雅東卒
弟阿骨打立 二月癸卯冊子構為王太子其文曰

古先哲王撫有方夏必立儲貳以承天序者非敢私
於親愛之間將以繫人心而固國本也肆朕纘服若
昔大猷眷惟上嗣之良久協重明之象考從于龜筮
咨度于臣工申擇今辰誕揚休命咨爾元子構賦中
和之粹挺岐嶷之姿仁義孝友之誠發自天性篤實
輝光之德通于神明雖在妙齡夙彰全範出言而合
度舉足而中規不事盤遊樂從善道終始典于學左
右逢其源究詩書禮樂之文明父子君臣之義與夫
周昌之事王季漢盈之奉高皇無以異也所宜據前
載之言正東南之位主之以七鬯對越于祖宗是用
遣使持節冊命爾為王太子於戲惟敬遜可以能盡

心惟謹慎可以長守貴爾其嚴師傅之訓誠宴安之
娛非正人勿親非正言勿聽以揚三善之風以貞萬
邦之心則朕之有子無愧於古先哲王矣尚遠乃猷
永膺多福 戊午行別例燃燈王御光殿觀樂重閣
中書令致仕崔思誨卒罷宴 丁卯聚僧讀佛經于
內殿五日 三月壬申以封王太子御神鳳門赦
壬午宴群臣于乾德殿萬年嗣宣示左右 癸未曲
宴于內殿 戊子親醮于毬庭 戊戌以王妃延德
宮主生辰曲宴于內殿 夏四月壬寅幸妙通寺
李壽等還自遼回詔曰近以邊臣弛備小寇擾民方
行有罪之誅是議偏師之舉以鄉地隣賊境職守侯

藩特諭整戎庶令逐暴鄉遣馳使价來奉謝章諒茲
從命之臣盡爾為忠之節適當春事有慮農妨姑務
練脩別期進取癸丑詔諸王宰樞于賞春亭置酒極
歡制詞二闋令左右和進兩府宰樞表辭不允 甲
寅王字之文公美將如宋省侍臣樞密院承制等餞
於順天館樂賓亭王遣內侍林景清宣示御製詩一
首兼賜酒果 乙卯幸普濟寺僧 五月戊寅雨雹
己卯寺龜山寺 丁亥命趙仲璋等取進士其合
格人對策頗蹈襲前人落第者訴之 庚寅御輒德
殿出詩賦題覆試詔諸王宰樞侍臣坐殿上賜詩題股
肱良庶康命詞臣製進王亦製之 六月己亥王如

奉恩寺

賜金精等及第

丙辰慮囚

辛酉曲宴

于內殿

丙寅以中書侍郎平章事李資謙守太尉

秋七月戊辰朔日食合

庚辰王以明懿太后忌

辰如開國寺行香

戊子遣吏部尚書王宇之戶部

侍郎文公美如宋謝恩兼進奉仍遣進士金端甄惟

底趙夔康就正權適等五人赴大學表曰化民成俗

由乎大學之風用夏變夷藉彼先王之教故呼韓遣

子於漢室吐蕃請書于唐家事雖不同義則無異伏

惟大宋之興也千齡接旦一統當天發揚大道之源掃

蕩積年之弊學分三舍教本六經矧又開壁

水鬼講上儀立明堂復興盛典功成理定新制作於

百年仁洽道豐一車書於萬國顧惟弊邑夙慕華風

在乎開寶之時及至仁宗之世每馳使价叅遣生徒

俾以觀周禮於變魯殿後偶因中廢久闕前脩傳聞

承習之已遙廣記備言之半脫士無定論學有多岐

混：末流寥：幾歲况乎法度憲章之際聲名文物

之儀或歷代之遺經或諸家之異說苟非質疑于有

識豈能成法于將來每及興言思遵舊貫今也良辰

在遇素知可伸謹遣學生五人令隨入朝赴闕惟此

諸生並非秀穎目不見膠庠之禮耳不聞雅頌之聲

難可與言有類互鄉之童未嘗無誨蓋存闕里之仁

伏望皇帝陛下愍測深衷推明故事特下國子監或

於壁雍水管許就便學業則容迹於諸生之末樞衣
于博士之前懷吾好音庶見鶡鳴之變遷於喬木免
同鳩舌之頑倘令吾道以東行永荷大明之下燭
丙申門下侍郎平章事致仕許慶卒 八月庚子御
宣政殿南廊聽斷內外重刑 遣將伐女真遣使來
請兵 乙巳召宰樞侍臣都兵馬判官諸衛大將軍
以上問至用三卒無定議 壬子曲宴于長齡殿
癸丑太白晝見 乙卯幸外帝釋院 戊午幸妙通
寺作佛事 庚申親饗庶老于毡庭賜物有差又饗
國老致仕平章事吳壽增等于閣門 西北面兵馬
使朴景朴陞辭改賜名景仁賜茶藥 甲子幸普濟

寺 乙丑雨雹 九月丁卯召集近臣于御院閱射
曲宴于賞春亭 辛未王乘月微行幸慶士郭輿所
居純福殿清心臺置酒與近臣論文至曉乃罷 壬
申慮囚 丙戌親選武士於東池 丁亥觀水戲
冬十月己亥王以肅宗忌辰如開國寺行香 甲辰
設百座仁王道場于會慶殿三日齋僧一萬于闕庭
二萬州府 丁未親閱六道神騎將士于東池 庚
戌命中書侍郎平章金緣等大閱于東郊 辛亥親
醮下元于純福殿 癸丑遣侍御史彥純如遼賀天
興節 親選西京將士于東池 十一月壬申曲宴
于膺軋殿 遣郎中金仁瑄如遼謝落起復 庚辰

設八閔會王自毳庭還至閔門前駐蹕唱和久之命倡優歌舞伏內幾至三鼓御大夫崔贄雜端許載進諫王嘉納之 壬申曲宴于內殿 甲申遼遣利州管內觀察使耶律義大理少卿孫良謀來督發兵詔云昨以女真不恭王師問罪自去冬而降詔俾分路以進攻雖曰整兵未能殄寇今則諸軍並會叩境前行况爾兵戎早經點閱便可即時而先出毋或相應以後時仍飭使人就觀進發勉圖忠效惟在敬從仍賜段匹諸物 庚寅北路兵馬使馳報遼東京牒昨奉勅旨高麗所遣生衣橫宣落起復三謝使近緣邊境多故未得入界已令還國 辛卯耶律義等詣閔

門欲辭以出兵之議久不決不成禮而退翼日乃辭 十二月庚子慮因 壬寅遼東京留守遣回謝持禮使禮賓副使高孝順來

丙十一年春正月丙寅朔放朝賀 戊辰遼遣大理卿張言中來賀生辰 壬午御便殿宴諸王夜分乃罷 庚午幸天壽寺巡視新創堂殿賞賜工匠有差 壬辰以尚書戶部侍郎李韶永為西面兵馬副使 閏月庚子以宋秀為工部尚書 壬寅幸普濟寺聽國師曇真說禪賜施優厚 庚戌遣秘書校書郎鄭良稷補為安北都護府衙前持牒如遼東京調知節日使尹彥純進奉使徐昉賀正使李德允等稽留事

甲子醮三界于內殿 二月丙寅日本國進柑子
癸酉遼東京人高譖來投 庚辰燃燈王如奉恩寺
甲午行別例燃燈御重光殿宴親王宰樞侍臣夜分
乃罷 丙戌叅知政事致仕高令臣卒 三月乙未
朔王聞遼來遠把州二城為女真所攻城中食盡遣
都兵馬錄事邵億送米一千石來遠統軍辭不受
己亥奉安肅宗及明懿太后睟容于天壽寺 壬寅
鄭良稷自遼東京還時東京渤海人作亂殺留守蕭
保先立供奉官高永昌僭稱皇帝國號大元建元隆
基良稷至詐稱官銜上表稱臣以國家所遣留守土物
贈永昌得厚報及還匿不奏事覺有司請下獄治之

從之 癸卯王如天壽寺設齋以落之 綵棚伎樂連

亘道路者三日 甲辰宴群臣于寺門外至曉乃罷

乙巳還宮赦監督官吏工匠役徒賞賚有差 駐駕

都市諸王宰樞補觴獻壽王執金景庸手語及先王

太后泣下霑襟左右嗚咽 壬子以吳延寵守太尉

乙卯幸西京以李瑋金綠判行從事李資謙趙仲

璋判留守事所歷供給務從省約鹵簿儀仗悉令簡

便沿路田地有不墾者必召守令責之 己未禱雨

于所過祠宇 夏四月甲子朔至西京置酒大同江

船上扈駕諸王宰樞侍臣西京留守分司三品以上

侍宴風日清和王悅懌與侍臣唱和 乙丑謁太祖

真殿 丙寅召見處士郭輿賜坐於常安殿後花
壇親賜酒食時忽見東南方有白雲數片其中雙鶴
徘徊因命輿賦詩王亦和之 丁卯命有司禘于大
廟以金上琦配宣殿崔思諷配南廟 幸長慶寺
禱雨于山川諸祠 戊辰召諸王及郭輿置酒王製
詩三篇命輿和進 己巳禱雨于九月山 庚午幸
金剛興福兩寺還至永明寺御樓船宴諸王宰樞侍
臣復以御製仙呂調臨江仙三闋宣示臣僚 金主
阿骨打遣阿只來 辛未中書門下奏遠為女真所
侵有危亡之勢所稟正朔不可行自今公私文字宜
除去天慶年號但用甲子從之 壬申醮三界于長

樂殿

癸酉宴群臣于長樂殿仍宣示御製詩一絕

丙子幸觀風殿巡視太祖行在所遂御九梯宮及

晚移御永明寺東閣召諸王及郭輿置酒唱和 戊

寅幸九梯宮遠來遠抱州二城流民驅羊馬數百來

投 己卯移御龍德宮 遼流民男女二十人餘來

投獻羊二百餘口 庚辰御輒元殿受朝賀下制曰

朕承祖宗積累之緒保有三韓懼無以稱人神之望

宵旰憂勞不敢遑寧今以日官所請徙御西都以頌

新教將以與物更始使民知歸以興先王之舊業且

彼聖賢之訓及諸圖讖之言謂奉順陰陽尊崇佛釋

明信刑罰黜陟幽明三寶之財不可妄費四仙之跡

所宜加榮依而行之不敢失也况圓丘大廟社稷籍田及諸園陵者國家敬重之所也其管勾員吏以時脩葺無使弊虧所謂國仙之事比來仕路多門略無求者宜令大官子孫行之文武兩學國家教化之根源早降指揮欲令立其兩學養育諸生以備將來將相之舉而有司各執異論未有定議宜速奏定施行且國風欲其儉朴而今朝廷士庶衣服華侈尊卑無等宜令禮儀詳定所據祖宗代式例沿革制定以聞又忌定中外官制 辛巳曲宴于乾元殿 壬午幸弘福寺移御唐浦古城門樓置酒歡賞名樓曰多景御製留題命詞臣和進 癸未命知西京留守事戶

部尚書金若溫扈駕以趙令龜攝分司戶部尚書知留守事 甲申駕發西京路上有老嫗進壺酒王憐其誠一嘗因賦詩一絕 丁亥駕至岳嶺驛宋都綱楊明等謁于道 辛卯王還京都赦制曰巡狩之禮所以省方設教也朕叨襲丕基欲興景業俯從太史之請願效先王之遊移蹕舊都落成新闕雖除衆弊豈無騷擾宜敷寬大之恩以慰遐邇之望其西京及隨駕員將軍卒及沿路州府群縣長吏有所犯停囚應受公徒私^杖以下罪上京留守百官於駕出後凡有徵贖等雜輕罪咸赦除之西京及所歷山川神祇各加號沿路州府群縣年八十以上者及孝子順孫

義夫節婦鰥寡孤獨篤廢疾者准京西例賜物兩京
諸處道場福田及都監道俗員吏西京及隨駕兩班
員軍人雜類諸界官迎駕長吏等職賞及稅租減除
等事准庚寅年南幸丁亥年西幸兩度恩制施行內
侍給使及諸宦者隨駕親王宮府員吏侍衛南班員
吏雜類等亦准前兩度恩制施行西京及四道倉督
迎駕諸州府郡縣凡所有時弊宜令留守官按察使
臨問奏除新闕創成都監員吏諸色匠人雜類等並
准西京九梯宮上京長源亭創成後所加恩賞例奏
裁時留守百官備儀仗樂部迎駕于馬川亭大樂管
絃兩部爭務竒侈以至使婦女馳馬擊毬王命黜之

其戲遂絕 是月得寶玉於西京盤龍山命玉人先
造祭器以答神貺宰臣表賀 五月癸卯門下侍郎
平章事吳延寵卒 丙辰御軋德殿覆試 庚申賜

裴祐等及第 六月甲子王如奉恩寺 乙丑王字
之文公美賚詔還自宋王受詔于軋德殿詔曰使人
王字之等至省所上表起居事具悉列國稱籓表茲
東海載臨時序遐暨乃心靡怠報上之歸特貢履和
之問春祺在旦福履克綏用加勤誠不忘晨夕又詔
曰省所差人進奉御衣二對等事具悉撫封舊履襲
慶東籓不替前脩有嘉來享使旃華隰方物克虔惟
順與忠既嘉且旅永言恭恪用勸于懷今回賜衣著

銀器等具如別錄至可領也又獎諭設齋詔曰使人
王字之等至省所奏于大相國寺揚州天寧萬壽觀
杭州天竺寺閏州金山寺泗水普昭王寺設齋祝壽
事具悉使航遐邇暨禮意有加祇載真誠用伸報禮有
嚴佛事虔祝壽祺緬想遐心良深注意又獎諭賀冊
皇太子詔曰使人王字之等至省所上表賀冊皇太
子事具悉比立儲闈預崇國本用繫天下以御邦家
惟爾東藩逖間慶典需章來賀欣懌攸均又獎諭別
進詔曰省所差人別進事具悉踐修厥猷備物來享
罔墜先君之履克勸方物之珍航海造庭寔匪有貢
忠純益懋獎勵良深又回賜國信詔曰修方惟舊底

貢既嘉舟楫言旋匪頒在筭禮無不答其徃祇承今
回賜國信兼別賜密賜特賜物色等具如別錄至可
領也又獎諭勸子弟入學詔曰使人王字之等至省
所上表乞學生金端等五人下國子監或壁雍收管
許令取便學業事具悉紹述先猷適追三代肇興學
校誕彌萬邦絃歌之聲無遠不屆惟爾雅俗有古遺
古乃遣諸生觀光上國盡捐宿習欲見天地之全于
變華風亦推禮義之舊永言向慕既用嘉歎又詔賜
大晟樂 乙亥慮囚 壬午以金景守太師樂浪郡
開國侯李瑋守太保門下侍中判尚書吏部事李資
謙為門下侍郎同中書門下平章事判尚書兵部事

金綠守司徒中書侍郎同中書門下平章事上柱國
趙仲璋守司徒中書侍郎同中書門下平章事判尚
書戶部事上柱國康拯守司空叅知政事判尚書刑
部事兼太子少傅金駿為兵部尚書樞密院使兼太
子賓客朴景仁為刑部尚書翰林學士承旨韓皎如
為樞密院知奏事兼直學士朴昇中為國子祭酒翰
林學士左諫議大夫 庚寅御會慶殿召宰樞侍臣
樂大晟新樂 秋七月辛丑燕射于賞春亭 戊申
王如天壽寺薦明懿太后冥福 己酉遣李資諒李
永如宋謝賜大晟樂 癸丑以左散騎常侍崔弘宰
為西北面兵馬使太僕卿智淑延為東北面兵馬使

庚申聽斷內外重刑 辛酉御宣政殿召宰樞給
舍中丞以上侍臣親訪邊事又召臺省諸侍臣及兵
馬判官于軋德殿傳宣訪問 八月甲戌東籓使者
阿伊等來朝 丙子謁景靈殿 丁丑幸妙寺 庚
辰金將撒喝攻遼來遠抱州二城幾陷其統軍耶律
寧欲帥衆而逃王遣樞密院知奏事韓皎如招諭寧
以無王旨辭皦如馳奏王欲令樞密院具劄子送之
宰臣諫官奏曰彼求王旨其意難測請止之王乃遣
使如金請曰抱州本吾舊地願以見還金主謂使者
曰爾其自取之 甲申以洪灌為清讌閣學士鄭克
恭為直學士尹諧為直閣 九月庚子慮囚 冬十

月甲子王如天壽寺 戊辰閱大晟樂于乾德殿
癸酉裸大廟親薦大晟樂西都所得瑞玉祭器併奏
新制九室登歌 十一月庚子御清讌閣命翰林學
士承旨朴景仁講尚書二典 以國子司業蕪起居
注知制誥金富佺充寶文閣待制 乙卯大雪御清
讌閣召樞密院知奏事韓皎如寶文閣直學士鄭克
恭右副承宣文公美直寶文閣尹諧等置酒詠雪以
前禮部郎中郭俊穆嘗輔導肅宗殿中內給事金元
興潛卽舊學命召賜坐於諸學士之右 十二月庚
申朔御清讌閣命寶文閣校勘高先柔講書大禹謨
皐陶益稷三篇 壬午御清讌閣命內侍良醞令池

昌洽講禮記中庸投壺二篇謂寶文閣學士等曰投
壺古禮也廢已久矣宋帝所賜其器極為精備將試
之卿等可纂定投壺儀并圖以進 甲申宴清讌閣

謂學士等曰朕嘗覽真觀政要太宗曰但使天下太
平家給人足雖無祥瑞可比德于堯舜若百姓不足
夷狄內侵縱有芝草鳳凰何異于傑紂斯言至矣庶
幾景行遂命金緣朴景仁及寶文閣學士註解政要
以進 己丑大雩 是月契丹三十三人漢五十二
人奚一百五十五人熟女真十五人渤海四十四人
來

丁酉十二年春正月庚寅放朝賀壬辰渤海五十二人奚

八十九人漢六人契丹十八人熟女真八人自遼來
投 壬子幸法王寺及神衆院還御明慶殿以僧德
緣為王師 癸丑以給事中拓俊京為西北面兵馬
副使借尚書兵部侍郎許載為東北面兵馬副使
丁巳御清讌閣命韓皦如講周易軋卦使朴昇中金
富侁問難親賜酒食 二月甲子命兩府宰樞會中
書宣問北邊事宜乙丑設消灾道場于軋德殿三日
丙宣漢三人自遼來投 丁卯遣中書侍郎平
章事金緣措置北邊兵馬 壬申燃燈王如奉恩寺
癸酉北蕃八十一人來朝 甲戌命有司行壓兵祭
於東西郊 丁丑幸普濟寺 戊寅以金駿檢校司

空叅知政事金至和守司空李軌為樞密院使王宇
之為左散騎常侍同知樞密院事韓皦如為殿中監
樞密院副使安子恭為兵部尚書仍令致仕 己卯
幸長源亭 三月庚寅以康拯為中書侍郎平章事
仍令致仕 辛卯來遠城牒曰昨為生女真及東京
渤海背亂致不廣收得田禾官司雖有見在穀粟所
有正軍外平閑民戶闕少糧儲權時撥借米貨五萬
石贍濟民戶比候來秋却具元借米貨碩斛還充必
不闕少王命兩府臺省侍臣知制誥文武三品都兵
馬判官以上會議中書省令判兵馬事金緣等傳諭
統軍若歸吾兩城人物則不須撥借米貨再三往復

統軍不肯從及金兵攻取遼開州遂襲來遠城及大
夫乞打柳白三營盡燒戰艦虜守船人統軍尚書左
僕射開國伯耶律寧與來遠城刺史檢校尚書右僕
射常孝孫等率其官民載船一百四十艘出泊江頭
移牒寧德城曰女真背亂并東京渤海續有背叛道
路不通統軍部內田禾未收米穀踊貴致有貧寒人
等為高麗國隣近住望已曾借糧推進行擬借為
此部內人民赴裏面州城趨逐米粟去此至回來為
相和事在此州并地分交付去訖仰行交受已後准
宣命施行以來遠抱州二城歸于吾遂泛海而遁吾
兵入其城收兵杖及錢貨寶物甚多金緣具狀馳奏

王大悅改抱州為義州防禦使以鴨江為界置閔防
甲午百官表賀略曰鴨綠舊墟雞林故壤越自祖
宗之世本為襟帶之^防逮乎中世之陵夷頗構大遼之
侵蝕非惟人怒寔作神羞又曰此因兩敵之有爭頗
慮二城之所屬鞞鞞之請猷殆從天啓鮮^甲之潛遁
固匪人為吾泉吾池復為內地寔藉實畝拓火中
區又曰慚之壯猷之助初聞吉語之傳刪石紀功未
奏形容之頌奉觴稱壽願伸率舞之懷 辛丑慮囚
放輕繫 癸丑金王阿骨打遣阿只等五人寄書曰
兄大女真金國皇帝致書于弟高麗國王自吾祖考
介在一方謂契丹為大國高麗為父母之邦小心事

之契丹無道陵轍我疆域如隸我人民屢加無名之
師我不得已拒之蒙天之祐獲殄滅之惟王許我和
親結為兄弟以成世：無窮之好仍遺良馬良一匹
夏四月戊辰漢人六自遼來搜 庚午王還宮
乙酉臺諫上疏請停安和寺工役從之 五月戊子
朔慮囚 庚戌雨雹 壬子門下侍郎平章事任懿
卒 丁巳李資諒還帝初親策試適等于集英殿賜
適等四人上舍及第特授適華貫及還帝賜御製親
札詔王迎于乾德殿詔曰朕仁不異遠聲教所暨靡
間內外罔敢不祇惟爾忠孝克篤事大制節謹虔恭
于時命惟土是享適追前人之光述其世美知所畏

慕航海遣使受學于師臨御便殿試藝于庭縻以官
秩用榮其歸以為爾邦之勸同底于道朕寔汝嘉康
就正甄惟底二人死于宋 六月戊午朔王如奉恩
寺 癸丑命置天章閣于禁中藏宋帝所賜親製詔
書及御筆書畫 丙寅尚州獻瑞變兩歧三穗上表
以賀 戊辰漢人三來投 庚午慮囚 甲戌宴親
王兩府于清讌閣賜犀帶襲衣 庚辰以金緣為門
下侍郎同中書門下平章事上柱國金峻判刑部事
金至和判工部事李執判三司事林有文為尚書右
僕射判秘書省事朴景仁為吏部尚書金若溫為戶
部尚書崔贄為刑部尚書崔德愷為工部尚書崔弘

宰為御史大夫李壽為左散騎常侍金沾為大司成
寶文閣學士朴昇中為翰林學士知禮部事許之奇
李永為左右諫議大夫拓俊^京知御史臺事李資諒為
刑部侍郎知奏事兼太子右諭德金仁揆為給事中
樞密院左承宣兼太子左贊善金富佺為中書舍
人文公美為殿中少監右承宣兼太子右贊善 甲
申慮囚放輕繫 秋七月己卯以禮賓卿智淑延為
西北面兵馬使軍器監李惟寅為東北面兵馬副使
壬子斷內外重刑 八月戊午幸南京以李資謙
金緣趙仲璋留守 乙丑簽書樞密院事金黃元卒
丁卯王至南京契丹投化人散居南京圻內者奏

契丹歌舞雜戲以迎駕王駐蹕觀之 戊辰御延興
殿受朝賀製夜宴詩一絕以示群臣 庚午宴諸王
兩府侍臣于行宮 甲戌作佛事于延興殿七日
癸未幸僧伽崛及藏義寺 九月甲午設重陽宴于
延興殿諸王宰樞侍坐王惟基賦詩宣示左右 丙
申作佛事于延興殿五日 壬寅慮囚放輕繫 癸
卯王發南京 丁未次長源亭 冬十月丁巳以肅
宗忌辰道場幸敬天寺 乙丑御齡昌閣望月賦詩
宣示左右和進 丙子王還宮 丁丑慮囚放輕繫
庚辰設百座道場于會慶殿齋僧一萬于闕庭二
萬于州府 十一月辛卯王召兩府宰樞曲宴于清

讌閣 甲午御清讌閣命翰林學士朴昇中講詩閣
雖 乙巳門下侍郎平章事李資謙落成新第王遣
使錫予甚厚 戊申御清讌閣命門下侍郎金緣講
禮記起居郎胡宣旦讀書無逸及第權適趙奩金端
等讀諸經夜分乃罷 十二月乙卯門下侍郎平章
事致仕吳壽增卒謚康順嘗以兵馬判官從東界統
統軍使文正破賊有功 庚午幸龜山寺遂幸安和寺
執役工匠賜物有差 流淮安伯沂于天安府 地
震 癸酉御清讌閣命金緣講書洪範令諸王宰樞
及諸學士聽講仍賜宴唱和各賜貂皮煖扇 丁丑
以李瑋為太傅桂陽郡開國伯金駿為尚書右僕射

兼太子少傅李乾為政堂文學判翰林院事兼太子
少傅朴景仁為 部尚書知樞密院事判三司事兼
太子賓客王字之為兵部尚書知樞密院事韓安仁
為右散騎常侍同知樞密院事翰林學士承旨
戊十三年春正月甲申朔放朝賀 庚子咸寧節御軋
德殿受賀宴群臣 癸卯幸神衆院 己酉以太僕
卿李韶永為西北面兵馬使吏部侍郎智祿延為東
北面兵馬副使 辛亥御清讌閣命寶文閣學士洪
瓘講書舜典宴侍坐諸學士王賦詩一首即令和進
三月壬戌御清讌閣命寶文閣待制金富佾講詩
魯頌 甲子親醮于闕庭 丙寅女真四十一人來

獻土物 辛未御清讌閣命韓安仁講易泰卦 丙
子幸長源亭 三月丁酉尚書右僕射劉載卒 辛
丑慮囚 甲辰臺官不署事三日先是內侍給使歐
辱臺吏臺官不問又太子府內豎犯禁著白綾襪袴
皂羅衫烏犀帶臺吏脫之反被囚繫臺吏徐琰等言
於臺官曰吾輩雖卑賤皆憲官屬吏今為內隸所辱
其如臺綱何願極論以正公道臺官依違不從琰等
十五人發憤自退無一人留者 壬子以李資謙判
吏部事金緣判兵部事李軌為戶部尚書判禮部事
朴景仁為禮部尚書 夏四月甲子王還宮 丁卯
重修安和寺成設齋五日以落之 庚午親幸觀之

幄帟連亘伎樂填咽士女全集

壬申還宮下制董

役官吏及工匠賜物有差初監督近臣務極奢侈勞
費不貲又因使价如宋求妙筆書扁額帝聞之御筆
書佛殿扁曰能仁之殿命太師蔡京書門額曰靖國
安和之寺以賜之且賜十六羅漢塑像 五月癸未
朔日食 戊子賜金福允等及第 以李資謙判西
北面兵馬事兼中軍兵馬使金緣判東北面兵馬事
兼行營兵馬使朴景仁為西北面兵馬使兼知中軍
兵馬事王宇之為東北面兵馬使兼知行營兵馬事

乙未幸外帝釋院 六月壬子朔王如奉恩寺

丁巳御清讌閣命寶文閣學士李永講書說命 丙

寅^王受菩薩于戒軋德殿 己巳慮因 戊寅御宴親
殿置酒餞入宋使鄭克永李之美召諸宰樞侍宴
秋七月辛巳宋遣閣門祗候曹詛醫官楊宗立等七
人來 甲申迎詔于軋德殿門詔曰省知明州樓异
奏高麗國王世子王子王其書乞借差大方脉瘡癰
科等共三四許人使存心醫療式廣教習事朕丕冒
海邦咸躋壽域乃眷撫封之舊每殫修貢之勤載諒
忠誠務隆恩意比閱使人之請遠須方術之工爰命
國醫仍賫藥品俾徃資于教習用悉保于康寧其體
至懷克承殊遇今差秉義郎閣門祗候曹詛管押翰
林醫官大醫局教授賜紫杜舜舉翰林醫候大醫局

教學成湘迪功即試大醫學錄陳宣仁藍茁前去
丁酉王如天壽寺 八月甲寅以李壽為西北面兵
馬使許載為東北面兵馬副使 戊午遣鄭克永李
之如美宋謝賜權造等制科還國御筆詔書王親製
表又手書其辭曰九重帝所頒異渥以薦來一幅天
書諭至懷而特厚拜承之際感涕無從竊惟東海之
梯航世冒中天之雨露臣祖文王之述職戴元豐之
大恩臣父肅王之撫封及崇寧之慈澤念臣庸昧之
質傳家忠孝之風享上滋恭修方且舊伏惟皇帝陛
下虞舜聰明而稽古商湯智勇以濟時鑄寶鼎以奠
九州作大晟而繼六代請明堂配帝之禮嚴辟雍養

之儀顧曠世以遭逢益馳誠於嚮慕遂遣子弟請入
庠序通言雖托于象胥出谷企遷于喬木豈意色容
之德加樂育于學黌又令數道之歸稍知方于儒術
召宮庭而試藝縻官秩以榮歸曲煩款密之辭仍作
褒嘉之旨龍蛇落筆揮神翰之縱橫雲漢回天敷膚
文之高妙此蓋伏遇皇帝陛下畢舉聖人之能事正
承列考之遺風至仁均覆于萬邦殊眷獨深於小國
每見使者示宴勞于內中或策諸生賜親臨於便殿
因以手詔優加寵臨臣敢不祇服訓辭對揚休命緘
藏十襲不惟傳子以及孫勸勉一方期致移風而易
俗以茲薄效永荅殊私 辛未御宣政殿決重刑

癸酉幸安和寺

九月庚辰朔慮囚

甲申王妃延

德宮主李氏薨丁酉葬綏陵

全羅道按察使高進

明劾南原府使池俊判官蔡克誠文安慶等侵漁之

罪罷之 癸卯慮囚 己酉設藏經道場于會慶殿

王親行香 閏月甲寅宰樞詣內殿門三表請復常

膳從之 癸酉親設消災道場于文德殿 丙子御

清讌閣命韓安講老子 戊寅王太子釋喪服 守

司空左僕射判尚書兵部事崔挺卒謚貞毅文宗嘗

選武士挺以善射中選伐東女真有功 庚辰命給

事中崔滋盛等分道選軍 壬午王如天壽寺 乙

未幸順德王后魂堂 十一月己酉朔御清讌閣命

韓安仁講易復卦 十二月戊寅朔慮囚

己十四年春正月戊申朔放朝賀 戊辰尚書左僕射

致仕高義和卒 丙子以李惟寅為西北面兵馬使

拓俊京為東北面兵馬使 二月乙未女真來朝

丙申宋曹誼等還王出軹德殿附表以謝 丁酉幸

順德王后魂堂 金主遣使來聘致書曰詔諭高麗

國王朕興師伐遼賴皇天助順屢敗敵兵北自上京

南至于海部族人民悉皆撫定今遣李堇李報諭

仍賜馬一匹至可領也 壬寅幸長源亭 三月丁

未朔以金至和為左僕射叅知政事崔贄為右僕射

判御書院事 丙寅慮囚 夏四月壬午王還宮

甲午王弟通義侯僑卒 五月壬戌幸安和寺六月

丙子朔王如奉恩寺 甲申親醮闕庭 庚寅王受

菩薩戒于軹德殿 甲午以金緣檢校太尉兼太子

太保趙仲璋為太子太保金駿守司空金至和為太

子少卿李軌修國史朴景仁判翰林院事王字之為

樞密院使判三司事韓安仁為刑部尚書兼太子賓

客崔德玠為吏部尚書金活為御史大夫鄭克永為

國子祭酒左諫議大夫 秋七月辛酉王如天壽寺

己亥以尚書右丞李韶永為西北面兵馬使戶部

侍郎金縝為東北面兵馬副使 八月乙亥朔御清

讌閣命翰林學士朴昇中講書洪範 丁丑遣中書

主事曹舜舉聘于金其書有况彼源發乎吾土之語
金主拒不受 乙酉幸順德王后魂堂 丁亥幸安
和寺 丁酉幸長源亭 癸卯門下侍郎平章事趙
仲璋卒謚康懷 契丹遣蕭公聽耶律遵慶來東路
兵馬使都部署牒云准樞密院奉聖旨劄字高麗近
因道途阻礙難通貢賀頒賜恩禮亦且累年曠隔仰
差小使因便傳詔并致所賜衣著 冬十月丁丑王
如天壽寺 癸未設百座會於內殿齋僧于闕庭三
日 十一月辛亥御清讌閣命朴昇中講中庸 戊
辰王閱射于清讌閣 壬申王閱射于重光殿中者
賞之 十二月癸未幸安和寺 是歲增築長城三

尺金邊吏發兵止之不送報曰修補舊城葛懶甸字
董胡刺古習顯以聞金主詔曰毋得侵軼生事但慎
固營壘廣布耳目而已

庚十五年春二月丙申幸南京 夏四月癸酉至自南
京 五月辛亥御乾德殿覆試丁巳賜李之氏等及
第 甲子禱雨于山川社稷 乙丑召王師德緣講
金剛經飯僧 戊辰迎佛骨入于禁中初王字之使
還宋帝以金函盛佛牙頭骨以賜置外帝釋院至是
置于山呼亭 六月庚午朔王如奉恩寺 辛未雩
甲戌御清讌閣命朴昇中講書洪範 丙子以金
駿為中書侍郎平章事李執守司空左僕射叅知政

事林有文為右僕射知門下省事朴景仁知樞密院
事韓安仁為禮部尚書崔弘宰為刑部尚書尹惟贄
為尚書右僕射宋秀為兵部尚書 己卯御清讌閣
命國子祭酒鄭克永講禮月令 甲申王受菩薩戒
于乾德殿 丙戌慮囚 丁亥親醮于福源宮遂幸
安和寺順德王后真堂薦酌流涕 辛卯宋商林清
等獻花木 丁酉御清讌閣命金緣講書太甲 秋
七月甲辰遣遣樂院副使蕭遵禮來詔曰省所上表
具悉卿東陸立社北闕稱籥自二孽之戎生致一方
之路阻嚮祈立嗣未始行封近稔勤王又嘗敵愾每
念至此已多憮然更待乘宜輒圖蕩寇頃頒密詔俾

諭茲懷道會多艱人難偕往或旋沂楫莫達封函賜
幣微通僅能將意謝章遽拜益驗輸誠而又言出由
衷心期報上既增慷慨須事澄清固在同仇是為大
順佇觀寔效續俟來音更示頒宣第思遵領 庚戌
禱雨于圓丘廟社群望 乙卯幸天和寺 以智祿
延為西北面兵馬使李鳶為東北面兵馬使 壬戌
宋遣承信郎許立進武校尉林大容等來 乙丑中
書侍郎平章事致仕康拯卒 八月自夏不雨至于
是月五穀不登疫癘大興 辛未幸外帝釋院命五
部讀般若經三日以禳疫癘 甲戌慮囚 設佛頂
道場于文德殿七日 戊寅御宣政殿決重刑 庚

辰幸安和寺順德王后真堂感傷久之左右有流涕者
辛巳左正言洪若伊上疏論時政得失嘉納之

乙酉幸西京 戊子壽星見 丁酉幸興福永明

寺觀潮 戊戌幸大東江登舟觀魚 九月己亥朔

幸永明寺觀潮 癸卯以順德王后大祥飯僧于常

安殿 乙巳設消灾道場于長樂殿 戊申制曰朕

即位以來再巡陪京昔旋至而即歸今久安而無患

庶推小惠以慰輿情自八月乙酉以後誤有所犯為

所司論劾及贖銅微瓦咸除之 癸丑宴群臣于長

樂殿親製青星明詞使樂工歌之 乙卯慮囚 癸

亥樞密院使致仕金漢忠卒 冬十月戊辰朔日食

辛巳設八閔會王觀雜戲有國初功臣金樂申崇

謙偶像王感歎賦詩 十一月壬寅王至自西京赦

甲辰慮囚 癸亥御清謙閣命金富佾講詩泮水

十二月丁卯朔王以順德王后喪畢召太子及平章

事李資謙知奏事李資諒等置酒極歡恩賚甚渥

甲申親醮于福源宮遂幸安和寺 辛卯以演檢校

司徒守司空晉康伯禔檢校司徒守司徒朴景仁守

司空尚書左僕射叅知政事仍令致仕

辛十六年春正月丁酉朔放朝賀 己亥制曰男女之

制尤重大倫帝王之興亦資內輔欲家人之正位須

閔睢之好述今將以辰韓公長女大卿崔湧季女備

之內職有司宜據禮典定名以聞禮司請以王氏為
貴妃崔氏為淑妃詔可 辛亥王太子加元服于壽
春宮百官表賀 癸丑以咸寧節御軋德殿受賀賜
群臣宴 乙卯納貴妃甲子納淑妃 二月壬辰左
遷中書舍人韓冲為西京副留守左正言任元濟為
殿中內給事 三月戊戌幸彰信寺微行至綏陵王
之將行諫官奏曰前古君王未有親詣后妃陵寢考
之禮典亦無其文玄宮久掩宿草荒翳至尊俯臨能
無悲感臣子之心不勝恐懼伏望以禮自抑俯循人
望不從 乙巳宋遣姚喜來 壬子幸外帝釋院 甲
寅御清讌閣命翰林學士朴昇中講禮月令起居

注金富軾講書說命 夏四月乙丑朔幸普濟寺

戊辰慮囚 乙亥幸妙通寺 戊子幸安和寺還次

李資謙山齋置酒 乙丑以李資謙為邵城郡開國

伯 五月丁酉慮囚 甲寅設消災道場于賞春亭

及日月王輪高峯極樂寺三七日 乙卯慮囚 癸

亥百官禱雨于興國寺五日 閏月甲子朔王如奉

恩寺 丙寅慮囚 丁卯召王師德緣禱雨于軋德

殿五日又禱佛寺神祠 辛未聚巫禱雨 壬申復召

德緣禱于山呼亭 乙亥制白天時失順旱暵為災

顧寡人否德以降殃憫庶民無辜而殞命祈禳無

應恐懼未遑度幾推恩以召和氣凡在獄囚除斬絞

二罪外皆原之其或官吏因緣公法苛刻作弊或以
腐朽之穀強給取悉或徵荒田之租或興不急之役
者令中外攸司一切禁治 丙子親醮于純福殿禱
雨聚僧又禱于山呼亭及佛宇庚辰御清讌閣命朴
昇中講書洪範 壬午禱雨于法雲寺 辛卯御清
讌閣命起居舍人林存講詩雲漢 六月癸巳朔御
長齡殿命朴景中講禮月令 乙未設道場于文德
殿三日 己亥再雩 庚子命百官設羅漢齋禱雨
丙午大雨 辛酉左僕射叅知政事致仕朴景仁
辛 秋七月己卯幸天和寺 辛巳以李壽為西北
面兵馬使崔滋盛為東北面兵馬使 壬午王如興

王寺 八月戊戌御宣政殿決重刑 壬寅幸普濟

寺 丁未謁英崇二陵還次因孝院製五言詩一首
令侍從文臣和進 乙卯幸長源亭 九月丁亥還

宮 辛卯慮囚 冬十月乙未王如天壽寺 丙申

設百座道場于會慶殿令中外齋僧三萬 壬子幸

洪圓寺 太白晝見經天三十餘日 十二月壬辰

御清讌閣以宋帝所賜書畫等物宣示宰樞侍臣

辛丑幸福源宮遂幸龜山安和二寺御玉岑亭宴從

官 庚申慮囚

壬十七年春正月辛酉朔放朝賀 癸亥以太原公俸
為太保齊安侯偕進爵為公 辛未幸神衆院 丁

丑咸寧節御軋德殿受賀賜群臣宴 已知以許載
為西北面兵馬使李資德為東北面兵馬副使 丙
戌御清讌閣命中書舍人金富軾講易軋卦 二月
庚寅朔日食 己亥門下侍郎平章事致仕崔弘嗣
卒 三月庚午以金峻守司徒判禮部事林有文守
司空叅知政事判刑部事王宇之為吏部尚書叅知
政事判戶部事韓安仁叅知政事判工部事崔弘宰
為樞密院使判三司事金若温知樞密院事李資謙
為樞密副使朴昇中為翰林學士承旨鄭克永為翰
林學士李永和御史臺事實文閣學士文公美為禮
賓少卿樞密院知奏事拓俊京為衛尉卿直門下省

金仁揆為左諫議大夫 丙子慮囚 丁丑御紗樓

燭命賦牧丹詩六韻詹事注簿安寶麟為第一賜絹
有差時康日用以能詩鳴王野觀其作燭將盡日用
終得一聯云頭白醉翁看殿後眼明儒老倚欄邊袖
其藁伏御清中王命小黃門取視嗟賞不已曰此古
人所謂白頭花鈿滿面不如西施半粧慰諭而遣
之 己卯親醮闕庭 壬午幸順天館點檢接賓之
事宴宰樞于香林亭忽覺背有微瘡促駕還宮癸未
王不豫分遣于山川神祇 叅知政事王宇之卒
乙酉飯僧一萬于諸者 丙戌慮囚 丁亥設消灾
道場于軋德殿五日 戊子齋僧一萬 夏四月己

丑朔設道場于文德殿宴親殿五日各制曰寡人
祇承天命叨纘丕緒御于家邦多歷年所然臨事制
宜莫知其方以致陰陽失序穹壤挺祆加疾病以彌
留愈憂懼而自勵異推渙汗以謝幽明凡名山大川
秩在祀典者各加名號諸有罪者除斬絞外皆原之
流配者量移 庚寅設道場于宣政殿五日 癸巳
門下侍郎平章事李資謙等詣純福殿告天祝曰昔
周武王有疾周以至誠請命于天厥疾乃瘳今臣等
皆以愚不肖承乏備員無政術以安于民庶無德行
以媚于神祇但以貪鄙不道為國巨蠹天作之孽上
延君父惟天聰明宜降疾咎于臣等之身無令元首

久困沉疴 乙未王疾革扶坐見宰樞曰朕以不德
天降之孽疾疹不瘳將何以處臣民之上總軍國之
事太子雖在幼少德行宿成諸公同心協輔無墜祖
構群臣俯伏流涕不知所言王召太子曰予疾大漸
勢不復痊爰釋重任將歸于汝予追思平生所行得
少失多慎勿效焉但當稽古聖賢之道奉我太祖之
訓不懈于位永綏庶民太子俯首泣不能起王命韓
安仁取國璽以授之遺詔曰朕荷天地之景命奉祖
宗之遺基奄有三韓十有八年扶衰救弊思與萬民
而同休宵衣旰食未嘗一日而暫逸憂勞積慮疾恙
踰時有加無瘳遂至大漸權國事楷膚哲之性稟自

天成元良之資蔚于人望宜承末命以即位王凡軍國重事並取嗣君處分喪服以日易月山陵制度務從儉約方鎮州牧止于本處舉哀不得擅離理所成服三日而除於戲死生常道人所難逃始終得宜朕亦何憾尚賴廟社儲社臣隣協心同輔嗣君永康王室使吾國祚垂于無窮咨爾多方當體予意丙申薨殯于宣政殿壽四十五在位十七年謚曰文孝廟號睿宗葬于城南陵曰裕陵仁宗十八年加謚明烈高宗四十年加齊順

史臣贊曰睿宗天資明哲嘗在東宮禮接賢士敦行孝弟及乎即位宵旰憂勤勵精求治但志存拓境倖

倖邊功仇隙未已啟暴華風信用吳宗旦頗感其言未免有所失矣然知用兵之難棄怨脩好使隣境感慕來服恤鰥寡養耆老開設學校教習生員置清讌寶文兩閣日與文臣講論六經偃武修文欲以禮樂成俗故韓安仁曰十七年事業可以貽厥後世信哉



